

Hari Selasa 28hb. Mei, 1963 pukul 10 pagi.

No.3.

12

ATORAN URUSAN MESHUARAT DAN
PEMBERITAHU2 USUL

1. Usul di-keluarkan oleh Enche T. Mahima Singh dan Masaalah di-chadangkan:

Bahawa suatu ucapan yang tidak seperti-nya di-persembahkan kepada Kebawah Duli Yang Maha Mulia Seri Paduka Baginda Yang di-Pertuan Agong demikian bunyi-nya:

"Ampun Tuanku,

Patek, Yang di-Pertua dan Ahli2 Dewan Ra'ayat di dalam persidangan Parlimen, memohon ampun mempersembahkan suatu ucapan yang zalil dari pada Majlis Dewan Ra'ayat menguchapkan berbilang-banyak shukor dan terima kaseh kepada Kebawah Duli kerana Titah Uchapan Kebawah Duli pada masa membuka Penggal Kelima Parlimen."

Masaalah di-bahath lagi (27hb Mei, 1963)

2. (DR. 1/63) Rang Undang2 Lambang2 dan Nama (Mengelakkan Bachaan Kali di-pakai pada jalan yang salah) Yang Kedua.
3. (DR. 3/63) Rang Undang2 Perbekalan Tambahan (1962 dan 1963) No.2) "
4. (DR. 6/63) Rang Undang2 Pihak Yang Berkuasa Pelabohan "
5. (DR. 4/63) Rang Undang2 Pinjaman dari Luar Negeri "
6. (DR. 5/63) Rang Undang2 Menjamin Pinjaman (Pindaan) "

7. Perdana Menteri akan menchadangkan:

Menurut sharat2 sekshen kechil (3) dalam sekshen 6 dalam Undang2 Menteri2 Penolong tahun 1960, Majlis ini memutuskan ia-itu elaun2 dan keistemewaan2 yang di-bentangkan dalam Surat Perintah No.11 tahun 1963 di-berikan kepada sa-saorang Menteri Penolong yang menjalankan apa2 kewajipan Kerajaan di-luar Persekutuan Tanah Melayu, dan elaun2 demikian itu di-berikan hanya sa-bagai ganti elaun makan yang di-tetapkan dalam perenggan 3 dalam Jadual Undang2 ini.

8. Menteri Kewangan akan menchadangkan:

Bahawa wang tidak lebih daripada \$24,950,010 hendak-lah di-belanjakan daripada Kumpulan Wang Pembangunan bagi tahun 1963, dan untok menepati tujuan2 Kepala2 dan Bahagian Kepala yang di-bentangkan dalam ruangan kedua dalam Penetapan yang di-bentangkan sa-bagai Surat Perintah No.16 tahun 1963 hendak-lah di-untokkan wang peruntokkan yang di-sebutkan bertentang dengan Kepala2 dan Bahagian Kepala yang tersebut itu dalam ruangan kelapan dan kesembilan dalam Penerangan itu.

9. Menteri Kewangan akan menchadangkan:

Bahawa Majlis ini memutuskan ia-itu kumpulan wang yang di-namakan "Agricultural Short-Term Credit Account" yang di-sebutkan dalam Jadual Kedua dalam Undang2 Peratoran Kewangan tahun 1957 hendak-lah di-pakai

lagi dan kemudian daripada ini di-namakan "Co-operative Credit Fund" dan menurut shara2 sekshen kecil (4) dalam sekshen 10 dalam Undang2 yang tersebut itu, Jadual Kedua yang di-sebutkan di-atas tadi hendak-lah di-pinda dengan kerana ini.

10. Menteri Kewangan akan menchadangkan:

Bahawa Majlis ini memutuskan ia-itu shara2 sekshen kecil (4) dalam sekshen 10 dalam Undang2 Peratoran Kewangan tahun 1957, Jadual Kedua dalam Undang2 yang tersebut itu hendak-lah di-pinda dengan di-masokkan perkara baharu yang di-namakan "Royal Loans Trust Fund".

11. Menteri Kewangan akan menchadangkan:

Bahawa menurut shara2 sekshen kecil (4) dalam sekshen 10 dalam Undang2 Peratoran Kewangan tahun 1957, Jadual Kedua dalam Undang2 yang tersebut itu hendak-lah di-pinda dengan di-tambah perkara baharu saperti yang tersebut di-bawah ini: "The Social and Welfare Services Trust Fund."

12. Menteri Kewangan akan menchadangkan:

Bahawa Majlis ini memutuskan ia-itu menurut kuasa2 yang tersebut kepada Majlis ini oleh sekshen kecil (2) dalam sekshen 10 dalam Undang2 Kastam tahun 1952, perentah Chukai Kastam (Pindaan) (No.4) tahun 1963 yang telah di-bentangkan dalam Majlis ini sa-bagai Surat Perentah No. 31 tahun 1963 di-sahkan.

13. Menteri Kewangan akan menchadangkan:

Bahawa Majlis ini memutuskan ia-itu menurut kuasa2 yang terserah ka-atas-nya dalam sekshen kecil (2) dalam sekshen 7 dalam Undang2 Excise tahun 1961, Perentah Chukai2 Excise tahun 1963 yang telah di-bentangkan dalam Majlis sa-bagai Surat Perentah No. 33 tahun 1963 di-sahkan.

14. Menteri Kewangan akan menchadangkan:

Bahawa Majlis ini memutuskan ia-itu menurut kuasa2 yang terserah ka-atas-nya oleh sekshen kecil (2) dalam sekshen 10 dalam Undang2 Kastam tahun 1952, Perentah Chukai2 Kastam (Pindaan) (No.5) tahun 1963 yang telah di-bentangkan dalam Majlis sa-bagai Surat Perentah No. 32 tahun 1963 di-sahkan.

15. Menteri Kewangan akan menchadangkan:

Majlis ini memperkenankan, menurut sekshen kecil (1) dalam sekshen 3 dalam Undang2 Pinjaman (Tempatan) tahun 1959, di-pinjam wang dengan jalan mengeluarkan stock sa-bagaimana yang di-sharatkan dalam Undang2 itu, ia-itu sa-banyak \$300,000,000 yang akan di-pakaikan menurut shara2 Undang2 itu.

16. Menteri Kewangan akan menchadangkan:

Bahawa apa2 wang yang ada untuk di-jalankan menurut sekshen kecil (3) dalam sekshen 8 dalam Undang2 Peratoran Kewangan tahun 1957 (No. 62 tahun 1957), dengan kuasa ketetapan Majlis ini, boleh-lah di-jalankan untuk membeli jongkong emas atau mata wang emas dengan shara2, menjalankan wang itu di-buat sa-telah bertanya fikiran Governor, Bank Negara Tanah Melayu, dan harga jongkong emas dan mata wang emas yang telah di-beli pada bila2 masa dan harga apa2 jua jongkong emas dan mata wang emas yang dalam tangan Kerajaan menurut sekshen kecil tadi hendak-lah jangan lebeh daripada sa-ratus juta ringgit.

17. Menteri Kewangan akan menchadangkan:

Bahawa Majlis ini memutuskan ia-itu menurut kuasa2 yang terserah ka-atas-nya dalam sekshen kecil (2) dalam sekshen 7 dalam Undang2 Excise, tahun 1961, Perentah Chukai2 Excise (No.2) tahun 1963 yang telah di-bentangkan dalam Majlis sa-bagai Surat Perentah No. 37 tahun 1963 di-sahkan.

18. Enche' V. David akan menchadangkan:

Oleh kerana ada perasaan tidak puas hati di-antara Mata2 di-sebabkan oleh tangga gaji mereka sekarang dan oleh peluang2 hendak naik pangkat, maka Majlis ini berpendapat ia-itu sa-buah Jawatan-Kuasa hendak-lah di-lantek oleh Kerajaan bagi menyiasat dengan sa-penoh-nya dalam perkara ini.

19. Enche V. David akan menhadangkan:

Oleh kerana ada perasaan tidak puas hati di-antara orang2 Kerajaan yang bergaji hari di-sebabkan oleh tangga gaji mereka, Majlis ini berpendapat ia-itulah sa-buah Jawatan-Kuasa hendak-lah di-lantek oleh Kerajaan bagi menyiasat dengan sa-penoh-nya dalam perkara ini.

20. Enche V. David akan menhadangkan:

Memandang kepada penyata Mahkamah Penyiasat yang menyiasat hal perselisihan antara Pertadbiran Keretapi Tanah Melayu dengan Persatuan Pekerja2 Keretapi Tanah Melayu yang terkandung dalam Command Paper No.7 tahun 1963, Majlis ini yakin betul2 ia-itulah Mogok Keretapi dahulu ia-lah di-sebabkan oleh Menteri Pengangkutan tidak bertanggung-jawab dan dengan sebab itu meminta kepada Menteri Pengangkutan supaya meletakkan jawatan.
